



**NOGOMETNI/FUDBALSKI SAVEZ
BOSNE I HERCEGOVINE**

**PRAVILNIK
o statusu trenera**

Sarajevo, juli/srpanj 2019.

Na osnovu Člana 35. Statuta Nogometnog/Fudbalskog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine, na sjednici održanoj dana 17.07.2019. godine, d o n o s i

P R A V I L N I K o statusu trenera

Član 1. **(Opšte odredbe)**

Ovim Pravilnikom se na jedinstven način reguliše: pojam trenera, vrste trenerskih diploma, licenci i sertifikata, evidencija i registracija trenera, ugovorni odnos između trenera i kluba te ostala pitanja od značaja za status trenera u nogometnoj/fudbalskoj organizaciji BiH.

Član 2. **(Definicije)**

Pod pojmom trener podrazumijeva se lice koje planira i programira, kontroliše i provodi sportski trening sa sportskom ekipom ili pojedinim sportašem i posjeduje neku od diploma i validnih trenerskih licenci ili sertifikata kako slijedi:

- UEFA PRO,
- UEFA A;
- UEFA B,
- UEFA A Elite Youth,
- UEFA B Futsaly
- UEFA A za trenere golmana/vratara,
- Nacionalnu C licencu,
- Nacionalni certifikat za trenera golmana/vratara,
- Nacionalni certifikat za trenera Futsala i
- Nacionalni liderski certifikat D.

Pod pojmom nadležni savezi, podrazumijevaju se svi općinski, kantonalni/županijski, područni i entitetski nogometni/fudbalski savezi te Nogometni/Fudbalski savez BiH (u daljem tekstu NS/FS BiH), odnosno, svaki savez koji rukovodi određenim takmičenjem na teritoriji Bosne i Hercegovine.

Član 3. **(Vrste trenerskih licenci i sertifikata)**

Za odigravanje prvenstvenih i kup utakmica na svim nivoima takmičenja u BiH, treneri moraju imati validne licence ili sertifikate, kako bi stekli uslove za treniranje određene selekcije kluba u određenom nivou takmičenja i to:

I) UEFA PRO licenca neophodna je za registraciju kao:

- Glavni trener prvog tima u klubovima Premijer lige BiH,
- Glavni trener prvog tima u klubovima Prve lige NS F i Prve lige FS RS,

II) Minimalno UEFA A licenca neophodna je za registraciju kao:

- Pomoćni trener prvog tima u klubovima Premijer lige BiH,
- Pomoćni trener prvog tima u klubovima Prve lige NS F i Prve lige FS RS,
- Glavni trener prvog tima u ženskim klubovima Premijer lige BiH, (od početka takmičarske sezone 2020/21. godine);
- Glavni trener prvog tima u ženskim klubovima Prve lige NS F i Prve lige FS RS, (od početka kalendarske 2022. godine);
- Glavni trener U19 i U17 Elitnih omladinskih selekcija koje se takmiče na nivou Premijer lige BiH,
- Glavni trener U19 i U17 Elitnih omladinskih selekcija koje se takmiče na nivou

Prve lige NS F i Prve lige FS RS (od početka kalendarske 2021. godine)

III) Minimalno UEFA B licenca neophodna je za registraciju kao:

- Glavni trener prvog tima u ženskim klubovima Premijer lige BiH, (do početka takmičarske sezone 2020/21. godine);
- Glavni trener prvog tima u ženskim klubovima Prve lige NS F i Prve lige FS RS, (do početka kalendarske 2022. godine);
- Glavni trener U19 i U17 Elitnih omladinskih selekcija koje se takmiče na nivou Prve lige NS F i Prve lige FS RS (od početka kalendarske 2021. godine)
- Pomoćni trener U19 i U17 Elitnih omladinskih selekcija koji se takmiče na nivou Premijer lige BiH;
- Pomoćni trener U19 i U17 Elitnih omladinskih selekcija koje se takmiče na nivou Prve lige NS F i Prve lige FS RS;
- Pomoćni trener prvog tima u ženskim klubovima Premijer lige BiH;
- Pomoćni trener prvog tima u ženskim klubovima Prve lige NS F i Prve lige FS RS;
- Glavni i pomoćni trener prvog tima i svih omladinskih selekcija koji se takmiče u Drugoj ligi NS F, Drugoj ligi FS RS i Regionalnoj ligi FS RS;
- Glavni trener i pomoćni trener U15 Elitnih omladinskih selekcija koji se takmiče na nivou Premijer lige BiH, Prve lige NS F i Prve lige FS RS;

IV) Nacionalna C licenca neophodna je za registraciju kao:

- Glavni i pomoćni trener prvog tima i svih omladinskih selekcija koje se takmiče, u organizaciji kantonalnih NS u Federaciji, opštinskih i područnih FS u RS, bez obzira na uzrast, spol ili nivo takmičenja;
- Glavni i pomoćni trener ženskih U19, U17 i U15 Elitnih omladinskih selekcija koje se takmiče na nivou Premijer lige BiH, Prve lige NS F i Prve lige FS RS;
- Glavni i pomoćni treneri prvog tima ženskih klubova koji se takmiče u Drugoj ligi NS F i Drugoj ligi FS RS;

V) UEFA Elitna omladinska A licenca neophodna je za registraciju kao:

- Glavni trener U19 i U17 Elitnih omladinskih selekcija koji se takmiče na nivou Premijer lige BiH;
- Glavni trener U19 i U17 Elitnih omladinskih selekcija koji se takmiče na nivou Prve lige NS F i Prve lige FS RS;

VI) UEFA A licenca za golmane neophodna je za registraciju kao:

- Pomoćni trener golmana/vratara prvog tima u klubovima Premijer lige BiH (od početka takmičarske 2022/23. godine);
- Pomoćni trener golmana/vratara prvog tima u klubovima Prve lige NS F i Prve lige FS RS (od početka kalendarske 2025. godine);

VII) UEFA Futsal B licenca neophodna je za registraciju kao:

- Glavni i pomoćni trener prvog tima u klubovima Futsal Premijer lige BiH (od početka takmičarske 2022/23. godine);
- Glavni i pomoćni trener prvog tima u klubovima Futsal Prve i Druge lige NS F i Prve i Druge lige FS RS (od početka kalendarske 2025. godine);
- Glavni i pomoćni trener U19 Elitnih omladinskih selekcija, futsal klubova, koji se takmiče na nivou Premijer lige BiH, (od početka takmičarske 2024/25. godine);

VIII) Nacionalni certifikat trenera golmana neophodan je za registraciju kao:

- Pomoćni trener golmana/vratara prvog tima u klubovima Druge lige NS Federacije BiH i Druge lige FS Republike srpske (od početka kalendarske 2022. godine);
- Pomoćni trener golmana/vratara svih omladinskih selekcija (ženskih i muških) koji se takmiče u organizaciji Nogometnog/fudbalskog saveza BiH, NS

- Federacije BiH i FS Republike srpske (od početka kalendarske 2022. godine);
- Pomoćni trener golmana/vratara svih seniorskih I omladinskih selekcija (ženskih i muških) koji se takmiče u organizaciji Kantonalnih NS u Federaciji I Područnih-opštinskih FS u RS, (od početka kalendarske 2025 godine)

IX) Nacionalni certifikat za Futsal neophodan je za registraciju kao:

- Glavni i pomoćni trener prvog tima u klubovima Futsal Premijer lige BiH (do početka takmičarske 2022/23. godine);
- Glavni i pomoćni trener prvog tima u klubovima Futsal Prve i Druge lige NS F i Prve i Druge lige FS RS (do početka kalendarske 2025. godine);
- Glavni i pomoćni trener U19 I U17 Elitnih omladinskih selekcija, futsal klubova, koji se takmiče na nivou Premijer lige BiH, (do početka takmičarske 2024/25. godine);

U izuzetnim slučajevima, uz posebnu saglasnost NS/FS BiH, nadležni savez može svojom odlukom sniziti kriterije iz stava 1. ovog člana za jedan kriteriji niže, u maksimalnom trajanju od jedne sezone, za trenere aktivne u klubovima koji nastupaju u takmičenjima u nadležnosti tog saveza.

Član 4.

(Treneri čija je edukacija u toku)

Ako je trener započeo edukaciju na nekom kursu, smatraće se da posjeduje licencu ili certifikat tog nivoa ako dostavi uvjerenje da je njegova edukacija u toku od Centra za edukaciju NS/FS BiH ili nekog drugog saveza kod kojeg je započeo edukaciju i na taj način stiče pravo registracije za selekciju kluba za koju je neophodno posjedovanje licence ili certifikata tog nivoa.

Status trenera čija je edukacija u toku trener dobija kada nakon upisa na kurs započne edukaciju na prvom semestru ili prvom modulu tog kursa a traje do završetka prvog ispitnog roka za trenere iz njegove generacije ili do završetka posljednjeg semestra ili modula kursa koji je pohađao.

Član 5.

(Evidencija trenera)

Centar za edukaciju NS/FS BiH vodi jedinstvenu bazu podataka u kojoj evidentira i sakuplja svu neophodnu dokumentaciju o svakom treneru, arhivira i čuva dosijea svakog trenera koji je završio određeni nivo edukacije ili trenera čija je edukacija u toku.

Član 6.

(Registracija aktivnih trenera)

Pored vođenja jedinstvene baze podataka, Centar za edukaciju NS/FS BiH registruje sve aktivne trenere koji su angažovani u klubovima za tekuću sezonu, kroz unos relevantnih podataka u COMET informacioni sistem.

Za registraciju aktivnih trenera u COMET informacioni sistem, pored dostavljanja relevantnog zahtjeva i podataka predviđenih članom 7. ovog Pravilnika obavezno je i prisustvo trenera na seminaru za registraciju trenera.

Član 7.

(Seminari za registraciju trenera)

Nadležni savezi su dužni da u toku takmičarske sezone, u saradnji sa Centrom za edukaciju NS/FS BiH, organizuju jednodnevni stručni seminar za registraciju trenera za sve trenere klubova koji se takmiče u njihovoj nadležnosti, utvrde termine održavanja te visinu kotizacije za učešće na seminaru, o čemu su dužni obavijestiti zainteresovane strane (klubove) u roku od 60 (šezdeset) dana prije početka seminara.

Seminaru za registraciju trenera mogu prisustvovati i treneri koji nisu angažovani niti u jednom klubu, međutim, isti neće biti registrovani u COMET informacioni sistem, ali će njihovi podaci biti uneseni u jedinstvenu bazu podataka iz člana 4. ovog Pravilnika.

Centar za edukaciju NS/FS BiH će po završetku seminara svim prisutnim trenerima dodijeliti odgovarajuće certifikate koji nose određeni broj bodova i koje treneri mogu koristiti za produženje važenja trenerskih licenci i certifikata, a što će biti preciznije regulisano Pravilnikom Centra za edukaciju trenera.

Član 8.

(Proces registracije aktivnih trenera)

Klubovi su dužni da najkasnije u roku od 30 (trideset) dana prije početka takmičenja u kojem nastupaju, na propisanom obrascu zahtjeva za registraciju trenera, koji se nalazi na web stranici NS/FS BiH, nadležnom savezu dostave podatke o aktivnim trenerima svih svojih selekcija, i to:

1. Ime i prezime trenera,
2. Broj i nivo stečene UEFA licence ili nacionalne licence ili certifikata,
3. Važenje licence,
4. Tačan naziv lige/takmičenja u kojem se klub takmiči i saveza koji rukovodi takmičenjem,
5. Naziv kluba u kojem je trener angažovan,
6. Kategoriju selekcije koju trener vodi (prvi tim, junior, kadeti, i sl.),
7. Poziciju trenera (prvi trener, prvi asistent, drugi asistent, trener golmana, i sl.).

Za trenere strane državljanke, klub je dužan pored zahtjeva za registraciju trenera, dostaviti kopiju važeće UEFA licence i dozvole za rad u BiH, izdatu od nadležnih institucija u BiH.

Zahtjev za registraciju trenera mora biti potpisan od strane ovlaštene osobe kluba, ovjeren pečatom kluba i dostavljen nadležnom savezu na ovjeru koja podrazumijeva potpis ovlaštene osobe nadležnog saveza i ovjeru pečatom tog saveza.

Nadležni savez je dužan da nakon provjere ispravnosti i potpunosti podataka, zaprimljeni zahtjev ovjeri i prosljedi Centru za edukaciju NS/FS BiH u cilju registracije aktivnih trenera u COMET informacioni sistem. Ako podaci koje je klub dostavio nisu potpuni ili tačni, nadležni savez će od kluba zatražiti dopunu ili ispravku u roku koji ne može biti duži od 3 (tri) dana.

Klub je dužan nadležnom savezu dostaviti informacije o svim promjenama koje nastanu na poziciji trenera bilo koje selekcije kluba, najkasnije 3 (tri) dana od dana nastanka takve promjene i samo u tom slučaju se registracija trenera može naknadno izvršiti. Nadležni savez dužan je bez odlaganja nove podatke dostaviti Centru za edukaciju NS/FS BiH koji će najkasnije 7 (sedam) dana od dana prijema podataka evidentirati nastale promjene u COMET informacioni sistem.

Član 9.

(Ugovori trenera i kluba)

Trener i nogometni/fudbalski klub zaključuju međusobni ugovor na osnovu ukazane potrebe i slobodno izražene volje obje strane.

Član 10.

(Vrste ugovora)

Ugovori između trenera kluba mogu biti potpisani kao ugovor o radu na određeno ili neodređeno vrijeme.

Član 11.

(Elementi ugovora)

Ugovor mora sadržavati slijedeće elemente:

- Tačne opšte podatke obje strane potpisnice ugovora,
- Datum zaključivanja ugovora,
- Vrijeme početka i vrijeme završetka ugovora,
- Obaveze trenera prema klubu,
- Obaveze kluba prema treneru.

Prilikom sklapanja ugovora između trenera i kluba, poželjno je u ugovoru precizirati ugovorne obaveze obje strane u slučaju prijevremenog raskida ugovora, odnosno ugovorne obaveze koje proističu jednostranim raskidom ugovora jedne od potpisnica ugovora.

Član 12. (Sporovi)

U slučaju sporova između trenera i kluba, nadležan će biti redovan sud ili arbitraža čiju su nadležnost ugovorne strane utvrdile ugovorom.

Za naprijed navedene sporove ne može se ugovarati nadležnost organa saveza nadležnog za bilo koji nivo takmičenja u BiH.

Član 13. (Obaveze koj proističu iz ovog Pravilnika)

Nadležni savezi su dužni da dosljedno primjenjuju odredbe ovog Pravilnika na trenere svih klubova, akademija i nogometnih/fudbalskih škola koji se takmiče u njihovoj organizaciji i da usklade svoje propise sa ovim Pravilnikom, najkasnije u roku od 60 dana od dana stupanja na snagu ovog Pravilnika.

Član 14. (Prelazne i završne odredbe)

Ovaj Pravilnik stupa na snagu danom objave u Službenom glasniku NS/FS BiH.

Stupanjem na snagu ovog Pravilnika prestaje da važi Pravilnik o statusu trenera od 24.02.2017. godine

Sarajevo, 17.07.2019. godine

**PREDSJEDNIK NS/FS BiH
Elvedin Begić**